

南翔鎮志

第一冊

卷一之卷四

地 210.15

7347

3124

南翔鎮志

癸亥春三月鳳
翥樓精校重印



序

邑莫不有志或數十年一修或百年一修成書若此其難及其告成之後往往其閒尚有遺略又何論鄉曲之遠未易蒐羅者乎嚶邑縣志而外復有南翔婁塘淞南外岡各志秉筆者皆其鄉人考核審而持論平誠郡邑所不及也諸志卷帙惟南翔爲繁今則程君謇堂所增訂李君桐園所躬親采訪者也謇堂著作等身富余識之久今宰是邑而謇堂足跡不至門其立品甚峻桐園性樂善凡在鎮義舉力任其事始終無倦故是志也謇堂旣綜核無遺謹嚴有法而凡川涂橋道潛德幽光桐園復一確訪而後登之於簡洵可觀也蓋翔之爲鎮也其地自蕭梁南翔鎮志

序

一

鳳翥樓重印

以來古蹟昭著其人如四先生輩表表可紀又其民居稠密百貨駢闐市聲浩浩有如通都大邑剗夫陳蹟遷流允宜及時記載以貽來者矣抑是編所云如河渠之待浚小學之待興以及講約之遺址尙在余將謀諸鎮之紳耆而次第舉行之且將謀之婁塘外岡諸紳耆而咸舉行之

嘉慶丙寅季秋朔知嘉定縣事無爲吳桓撰並書

南翔鎮志序

卅年前張丈蒿廬撰鎮志蒐羅採訪頗費苦心逝後乏嗣其書僅存近年程君譽堂得其副墨重加釐正又續其所未逮邑大夫吳侯見而稱之家桐園亦從事增益遂以剞劂自任而專使來禾以書相示且索弁言賡芸先世爲按察楊氏館甥自青浦之盤龍鎮來遷迄今二百餘年不可謂非土著顧自乾隆丁卯先奉政筮仕江西至今閱一甲子賡芸生于嶺北之信豐五六歲時曾一歸後庚寅歲先奉政公見背始返故里宗族親串交游每每不能識逮丙午領鄉薦後公車偕計旋亦宦游于浙計家居者才十餘年此十餘年中又飢驅之日多寧處之日少

南翔鎮志

序

二

鳳翥樓重印

故於里中故事茫然無所見聞今得是編讀之奚啻暗行之得燭也詩不云乎維桑與梓必恭敬止况以先大母之苦節先奉政公之居官咸獲表揚則又賡芸之所感佩弗諉者已因是推之而知兩君著書之力與桐園葉行之澤闡幽顯微不且永垂不朽也哉若夫著書之義例作志之體裁取則先民胥歸大雅則不佞簿書多冗學殖久蕪蓋未敢妄參末議也是爲敍

嘉慶十有一年歲次丙寅秋九月

賜進士出身朝議大夫知浙江嘉興府事里人李賡芸生甫氏敬序

增訂南翔鎮志序

我邑古蹟莫先于蕭梁所建白鶴南翔寺而鎮以是始焉
國朝重熙累洽生齒日繁

聖祖仁皇帝

御賜雲翔寺額尤爲合邑寺觀獨被之

殊恩也里中故多文雅風流之士皆李長蘅諸先生所沾溉政
績勳名大中丞張公遺軌猶在至於耆年碩德誼篤桑梓則又
聞子石先生之風而興焉者矣康熙間勲平楊先生胤爲里志
乾隆間史亭張先生續爲之二志皆未付剞劂今年春

邑大夫槃齋吳公因公事至南翔詢及里志爰卽史亭本刪其

南翔鎮志

序

三

鳳翥樓重印

繁訂其訛並增補二十餘年所未及者繕呈鑒定謬蒙許可李
君桐園愛素好古蒐羅增益書成壽諸梨棗有鎮以來千百年
文獻庶幾有徵矣我儕幸生人文之藪得觀

天章益砥礪言行以追前賢遺躅俾後之載筆者續傳不朽庶
不負賢邑宰學道之化云

嘉慶十一年歲在柔兆攝提格冬十月程攸熙序

重印南翔鎮志序

余自弱冠北遊燕京幾二十載而於故鄉文獻茫然無所聞知
逮乎旋返里門欲求一觀里乘而不得者又復十七年殊自恨
恨詢諸里人僉曰吾鎮藏有南翔鎮志者如李君緝芙朱君枚
卿李君子宣王君穀生姚君子樑周君晉笙吳君承三諸家均
可賜借乃從而商之一無存是書者皆以友人攜去及書篋糾
紛無從檢理爲辭又聞甘君雨蒼有南翔鎮志兩部遂向乞借
其一則渠又謂咸被借失終未璧還甚矣是書之寶貴也幾爲
希世之珍矣竊歎余也忝負文譽海內詞壇豪俊頗不鄙棄之
今者年已垂暮而目中猶未經見是書宜何如歎憾焉再遲數

南翔鎮志

序

四

鳳翥樓重印

十年或數百年一若廣陵散之絕響人閒不可復得矣後之學
者將奚由而攷證前事知前事之可師耶上自六朝下迄清代
其流風餘韻誰復能數典而徵之耶同人頗有重修鎮志之議
姚君子樑獨曰修志一事良匪易易採訪考據編纂參校悉難
其人有人而無經費又難於集事不如先就原有之鎮志而保
守之爲得也余聞其論之確當則重印之責其不可以已也夫
適聞某君藏有鎮志兩部余乃與述明欲貸舊本重印以供衆
覽之意彼謂俱在金陵校中數與遇而數印之終未攜歸吝而
不予迺從眞聖塘沈君借得一部印本也有殘闕又從封浜程
君借得一部鈔本也有舛訛就二者而合校之以付印肆癸亥

之春可工竣而書成矣乃被某從中吞沒工值銀幣一百枚予
又泉涸事延歲餘勉強借款以畢斯役爰綴數語於簡端並以
識此中之多磨折也甲子秋八月里人陳栢序

南翔鎮志

序

五

鳳翥樓重印

南翔鎮志卷首

邑侯吳槃齋先生鑒定

乾隆丙寅里人

張承先著
程攸熙訂

目錄

卷首

序文增

校定姓氏增

目錄

凡例

增訂凡例增

圖增

南翔鎮圖

三槎水里圖

雲翔寺圖(見寺觀)

卷一

疆里

沿革熙增表

熙增表

里至

鄉都改訂

水道改訂

開濬熙增

熙增

物產附

卷二

營建

官廨熙增

熙增

書院

廟壇

嬰堂

營汛

遞鋪

南翔鎮志

卷首

坊表

街巷

橋梁改訂

卷三

小學

小學

義塾

鄉飲

卷四

職官

分防縣丞

巡檢

汛弁熙案元本闕

卷五

選舉

進士

舉人

貢生以上熙改表

例貢熙刪

例選熙刪職銜

熙刪職銜

雜進

薦舉熙移例選前

熙移例選前

武科

封贈

蔭敍

卷六

人物

賢達 孝義 文學 隱逸

卷七 人物

耆德 藝術 流寓

卷八 人物

列女 方外

卷九 藝文

書目 碑刻 文 熙分繫各條 詩 熙分繫各條

卷十 雜誌

寺觀 庵院 神祠 尼庵 熙併入庵院

卷十一 雜誌

南翔鎮志 卷首 二 鳳翥樓重印

第宅 園亭 古蹟 祠墓 附義塚

卷十二 雜誌

紀事 軼事

參訂

秀堂朱掄英 香田李賡芸 拙庵陸 逸

桐園李鳳昌 芳林葉長春 竦然沈金臺

訥軒汪元桐 西堂楊 鉞 稼軒諸玉衡

靜庵李士榮 桂巖李景董 韞山朱秉鈺

繪圖

蓀坡許國柄 笠巖范 澄

凡例

一郡縣俱有志宋紹定閒常棠著漱浦志此里志之所權輿也
槎溪雖嚠邑一隅文獻不可無徵爰著槎溪里志

一槎溪里志創自康熙閒楊勳平志達曩嘗從其後裔借觀今
石君南標出所鈔本見示互有異同且人物志多闕佚均非
全書茲編不敢蹈襲另立體例賢達文學孝義隱逸諸傳尤
加意搜訪較邑志頗詳然非確有明證不敢濫登閱者鑒之
一博望槎雖無明證然三槎浦現在前人曾有題詠非可等諸
烏有若南翔乃佛寺之名茲所紀南盡三槎浦而止

一王學憲圻居王庵張大參恆居江橋其地臨槎浦大參有詩

南翔鎮志

凡例

一

鳳翥樓重印

云千古浮槎處吾廬乃在茲二公實槎溪人也錄入鄉先賢
傳中並非借才異地

一賦役戶口保甲鄉約概不載恐等於邑志也惟明崇禎閒嘉
定漕糧永折係里人張徵君鴻磐首功理當案實詳紀

一舊志有風俗歲時占候方言四目不知風俗行於上而成於
下非一里所能爲也若歲時占候方言吳俗大畧相同邑志
及之已不免贅何況下里概置不錄

一貢生載恩拔副歲并及援例考鄰邑志已然不必謬以濫觴

相譏所載考職議敘職銜亦同此例

熙案例貢職銜概入志
書究不免後人嘗議今

一槎里素重名節婦女完貞苦守以老比戶有之

朝廷憐其志錫以旌典烏頭綽楔光榮鄉里紀載者固樂於舉筆矣其後裔有赤貧不能具呈而致湮沒者亦悉心搜訪年例已符人言無閒卽錄之以俟采風猶恐一人耳目未週不免掛漏同志君子如有見聞祈示知以便續補

一史家有專傳合傳之體人物志仿之或專或合總不沒其人蓋稱物平施非有所軒輊也至附見或祖父附其前或子孫附其後亦本史法非敢師心撰述

一詩文爲不朽盛業然風雲月露之詞於志何關茲特採其可備文獻者錄入文苑切於本里之人與事者倣近時志乘例

南翔鎮志

凡例

二

鳳翥樓重印

細書分注於各條之下又詩文頗繁前人已美不勝收時賢概從割愛

一誌墓之文例不入志而車駕寺丞兩張公之誌爲震川先生手筆足增光一里爲細書列於塚墓之下庶幾通而不亂其一前令程公玉亭繼趙公雪岷後纂輯邑志簡嚴有法但嫌其過嚴且多翹前人之失爲方家不滿茲編多折衷程志而損益去取一秉虛公不執己見亦不敢徇人也

例

照案元本兩張公塚墓下兩誌俱失
載既云例不入志今亦無庸增入

一雲莊李君留心文獻嘗慨里中無志每晤承先必爲慇懃是以忘其固陋不憚纂輯閱歲而成多賴將伯之力殫心商榷

斟酌去取者盍磨陸丈博訪前輩詩文佐予不逮者南標石

君瑤山程君校讐亥豕者鈞仲蔣子並列卷首以誌不忘

熙案

李雲莊名澗見者德傳陸盍磨名鏡見文學傳石南標名藻

太學生文學球子承家學著書頗夥程瑤山名本仁候選州

增訂南翔鎮志凡例

一舊本名槎溪志然鎮以南翔名稱槎溪猶蘇州府志之稱姑

蘇志也今更名南翔鎮志

一張志沿革撮敘數語今照邑志立表似較詳備

一選舉志進士舉人貢生元本分門直書今照邑志立科貢表

以符體例

南翔鎮志

凡例

三

鳳翥樓重印

一有元本所有而從節者有元本在後而移於前者有元本區

為二而併於一者必標明元本在某處不忘其朔

一凡事在張志未成之先即增於元本內下旁書某增二字別

之其事在張志已成之後則於前一行大書某增二字庶幾

時代不紊附傳不在此例軼事亦然

一元本詩文另列入文藝門今案其本事各繫於後其無可繫

者從節至有增入者既變其例不復書某增字

一楊勳平先生志在張志之前頗資參考並賴賢侯鑒定同

人校訂始獲成書其閒或尚有舛謬之處大雅君子有以教

之里人程攸熙識


三槎水利圖

北通練祁

西出吳淞江

東出溫草浜

南至孫基港




師姑浜

雲翔寺圖

僧坊

假山



封家浜

橫瀝

釣浦

南翔鎮志卷一

疆里

里人

張程



鎮非州縣比也不得稱疆域然既有記載則其地之廣袤自不得略而里至鄉都亦可考而知矣至於水道以通地脈物產以徵土宜所關非細宜詳考而備書之也志疆里

沿革

槎谿古嚳地蕭梁時建白鶴南翔寺於此因寺成鎮遂以寺名六朝迄唐宋屬婁屬崑山迨南宋析崑山置嘉定乃改隸焉歷元明至國朝皆因之其地在邑治之南水脈分流回環淳蓄四

南翔鎮志 卷一

一

鳳翥樓重印

郊有灣

東曰五聖廟灣西曰侯家灣南曰薛家灣北曰鶴頸灣

形如卍字商賈輻輳民物殷繁為諸鎮

之冠別名槎谿者因三槎浦在境內也

宋元時惟西南為鎮萬安寺前至王家橋俱列肆後以吳淞江多盜西南受侵居民漸漸東徙明正嘉開倭寇疊至鄉邨多被火萬安寺南居民屋宇多燬國朝生齒日繁廛舍日擴鎮東新街南黃花場北金黃橋外漸次成市二百年休養生

息即於此徵云

雍正三年分置寶山縣議者欲以橫瀝為界析東鎮隸寶山一鎮兩屬大不便於民里人杜懋齋等繪情環顧兩臺查勘再四乃析自鎮東花園浜民情始安

表
熙增

梁	隋	陳	唐	五代	宋	南宋	元	明	國朝
揚州	揚州	揚州	揚州	揚州	揚州	揚州	揚州	直隸	江南江蘇
天監六年	開皇九年	十八年	大業元年	三年	熙寧七年	嘉定十年	元貞二年	洪武二年	雍正三年
揚州	揚州	揚州	揚州	揚州	揚州	揚州	揚州	直隸	江南江蘇
郡	吳郡	信義郡	信義郡	吳郡	蘇州	平江府	平江路	蘇州府	太倉州
縣	婁縣	信義縣	信義縣	崑山縣	崑山縣	崑山縣	嘉定縣	嘉定縣	嘉定縣
鎮	嚶城鄉南翔鎮	嚶城鄉南翔鎮	嚶城鄉南翔鎮	嚶城鄉南翔鎮	嚶城鄉南翔鎮	臨江鄉南翔鎮	依仁鄉南翔鎮	依仁鄉南翔鎮	依仁鄉南翔鎮
	秦建嚶城在南翔之北馬陸西今名桑園處後城廢嘉定統西嚶城鄉梁天監四年敕建白鷄南翔寺遂名其鎮曰南翔				崑山縣十四鄉之一曰臨江鄉	嘉定縣五鄉之一即臨江鄉改名依仁鄉			依仁鄉割東北分隸寶山縣外南翔跨服禮鄉都共存六十二圖詳見鄉

南翔鎮志
卷一

二
鳳翥樓重印

鄉都

依仁鄉

原領都八內七都八都九都十都十一都北十一都今全隸寶山縣嘉定無存

南十一都一區正副二扇

縣東南境舊領三十六里今割正扇十八里副扇十七里半分隸寶邑外嘉定計存副扇之半里

副扇

號

凡半里計圖一領圩四

上區在鎮之東 圖圩十三圖半里(岡)(衣)(福)(慶)四圩 田畝科糧三斗田九頃二十二畝七分二釐

南十一都一區正副二扇

縣東南境舊領二十二里今割正扇之全三里三半里副扇之一里半分隸寶邑外嘉定計存全十四里四半里

正扇

號

凡五里三半里計圖八領圩二十有二

上區內二十八圖領圩一二十九九圖領圩一在鎮之東市俱為

正圖其餘鄉圖六在鎮之東

圖圩十八圖半里(黎)(出)(塵)(陽)(呂)(雨)(豈)七圩 十九圖半里(河)(莫)(淡)三圩 二十三圖(壹)(場)(莊)三圩 二十四圖(聲)(岡)(鳥)三圩 二十八圖(白)一圩 二十九圖(潔)一圩 三十圖(翔)一圩 三十四圖半里(聽)(發)二圩(讀)半圩 田畝公占一十八畝五分五釐 科糧三斗田九十頃八十四畝五分五釐二豪

副扇 官字 凡九里半計圖九領圩三十有二

上區內二十七圖領圩三在鎮東南市三十九圖領圩三在鎮西北市四十圖領

圩一在鎮中市俱為正圖其餘鄉圖六在鎮之東歸南翔其三十六圖領圩三歸廣福鎮

圖圩二十圖半里(在)一圩 二十二圖(覆)(才)(及)(虞)(服)五圩 二十五圖(克)(男)(慕)(宇)(裳)(維)(乃)七圩 二十六圖(賓)(必)(弟)三

南翔鎮志 卷一

圩 二十七圖(鞠)(虛)(養)三圩 三十一圖(量)(時)(悲)三圩 三十二圖(此)(女)(位)(大)四圩 三十九圖(巨)(善)(菜)三圩 四十圖(場)一圩 田畝公占一頃二十一畝四分四釐五豪 科糧三斗田一百五十四頃一十九畝七分三釐八豪 二斗五升田一畝五分四釐 一斗五升田二畝四釐 一斗田二畝

北十一都一區正副二扇

縣南境舊領十里今割正扇之半里分隸寶邑外嘉定計存九里半

正扇

號

凡四里半計圖五領圩一十有八

上區在鎮之北與馬陸接壤今將北隅鄉圖二領圩五歸馬陸鎮南翔計存鄉圖

三領圩十三

圖圩四十一圖(菜)(毀)(麟)三圩 四十二圖(端)(羽)(詩)(駒)(師)五圩 四十四圖(南食)(北食)(鳴)(火)(名)五圩 田畝屯田一畝五釐 公占三十九畝八釐 科糧三斗田一百二十三頃九十三畝八分五釐

副扇

號

凡五里計圖五領圩一十有五

上區在鎮之東北與廣福接壤今將東之北隅鄉圖三領圩九歸廣福鎮南翔計存鄉圖二

領圩六 圖圩三十七圖(海)(首)(率)(賴)四圩 三十八圖(翔)(五)二圩 田畝公占二十五畝四分五釐 科糧三斗田一百一十一頃五分五釐 二斗田三十一畝七分五釐 一斗五升田一十四畝五分六釐

十三都一區正副二扇

縣南境舊領二十八里今割正扇之半里分隸寶邑外嘉定計存二十七里半

正扇

號

凡十三里半計圖十有四領圩四十有五

上區內十九圖領圩一在鎮西南市為正圖其餘

鄉圖十有三領圩四十有四在鎮之東南迤西南 圖圩一圖半里(西露)(北露)二圩 二圖(姜)(海)(巨)三圩 三圖(果)(道)二圩 四圖(餘)(愛)二圩 五圖(發)(重)二圩 九圖(生)(麗)(致)(宿)(黎)五圩 十八圖(秋)(霜)

(文)(露)四圩 十九圖(西伐)一圩 二十四圖(大龍)(小龍)(章)(皇)四圩 二十五圖(帝)(弔)(育)(潛)(商)五圩 二十六圖(平)(藏)(珍)三圩 西四圖(劍)(秋)(水)三圩 西六圖(字)(衣)(潛)(騰)(羽)五圩 西七圖(藏)(殷)(河)(闕)四圩 田畝公占二畝六分八釐 科糧三斗田一百六十四頃二畝七分三釐三豪 二斗五升田八畝四分八釐 二斗田二畝九分一釐 一斗五升田一十四畝三釐 六升蕩五畝二分六釐

副扇 凡十四里計圖十有四領圩六十有七 上區內二十圖領圩三十二圖領圩二在鎮之南市俱為

正圖其餘鄉圖十有二領圩六十有二在鎮之南 圖圩六圖(南服)(北服)(裳)三圩 七圖(調陽)(商)(周雨)(讓)(鹹)五圩 八圖(翔)(位)(稱)(李)四圩 二十圖(收)(閩)(東伐)三圩 二十一圖(湯)(推)二圩 二十二圖(字)

(商)(衣)三圩 二十三圖(北鳥)(南鳥)(黃)(唐)四圩 十圖(虞)(大李)(小李)(光)四圩 十二圖(東陶)(西陶)(南陶)(北陶)(大奈)(虞)(小奈)(暑)八圩 十三圖(崑)(稱)(洪)(雲)(地)(宙)六圩 十四圖(東辰騰)(西辰騰)

(南辰騰)(北辰騰)四圩 十五圖(月)(東宇)(西宇)(西天)(西元)(東元)(結)(東天)(小成)九圩 十六圖(皇)(潛)(朝)(東成)(西成)(來)(歲)(洪)(衣)(暑)十圩 十七圖(朝)(暑)二圩 田畝公占五畝一分八釐 科糧三升

田二百一十三頃七十七畝八分六釐 二斗五升田六十三畝二分五釐

十四都一區正副二扇 縣西南境計二十四里

正扇 海號 **凡十二里計圖十有二領圩四十有八** 中區海號在鎮之西南計圖六領圩二十有八全歸南翔鹹

號在海號西南與紀王鎮接壤今將鹹號鄉圖五領圩十有八歸紀王鎮南翔計存鹹號鄉圖一領圩二 海號圖圩一圖(宿)(辰)(宙)(東地西地)四圩 二圖(寒)(盈辰)(宇地)(東荒)(東洪)(西洪)六圩 三圖(東天)(西天)(西荒)

南翔鎮志 卷一 四 鳳翥樓重印

(日)(月)(谷)六圩 五圖(大周)(唐)(小周)三圩 八圖(珍)(重)(火)(發)四圩 九圖(列)(大來)(張)(小來)(朝)五圩 田畝公占一十畝六釐 科糧三斗田一百二十三頃九十一畝八分九釐五豪 二斗五升田一頃二十八畝

三分三釐 二斗田一頃七十三畝五分 一斗五升田九畝七釐 一斗田九分三釐 六升蕩八分六釐 鹹號圖圩十圖(瑞)(夜)二圩 田畝公占 科糧南翔計存一圖不及備載

副扇 皇字號全屬紀王鎮南翔志不錄

服禮鄉 原領都五今仍舊附近南翔者一都

二十一都一區正副二扇 縣西南境計十四里

正扇 麗號 **凡七里計圖七領圩七十有四** 中區麗號在鎮之西北與黃渡鎮接壤今將西北隅鄉圖三領圩一十有八歸黃渡南翔計

存鄉圖三領圩四十有五 水號鄉圖一領圩一十有二在麗號之西全歸黃渡鎮南翔志不載麗號圖圩十四圖(民)(出)(淡)(冬)(雨)(金)(文)(麗)(巨)(道)(生)(遜)(稱)(霜)一十四圩 十八圖(榮)(雲)(致)(光)(麟)(閏)(柰)(翔)

(拱)(瑞)(李)(人)(皇)(騰)(陶)(弔)(歲)(月)一十八圩 十九圖(律)(陽)(始)(推)(愛)(爲)(鳥)(平)(珠)(調)(虞)(餘)(成)一十三圩 水號圖圩不載田畝屯田七十三畝五分 公占六十一畝六分八釐 候福泉縣田二十畝九

二分九釐 科糧三斗田二百一頃五十三畝三分九釐八豪 二斗五升田四畝二分七釐 一斗五升田二畝四分三釐

副扇 光字 **凡七里計圖七領圩三十有六** 中區在鎮之西附近黃渡今將鄉圖六領圩二十有七歸黃渡鎮南翔計存鄉圖一領圩九

圖圩十五圖(位)(岡)(師)(呂)(露)(湯)(服)(結)(問)
九圩 田畝屯田 公占 科糧 南翔計存一圖不及備載

熙 案張史亭承先志臚列二十餘圖祇云某號某圖其鄉都圩皆闕楊勳平志達志雖詳然祇載民居九圖而已李桐園鳳昌劇費搜擇由鄉都剖之以區以扇以圖以圩注明若者全爲南翔若者與他鎮接壤應析某圖某圩爲南翔共六十二圖瞭如指掌靡有闕遺不惟補予所未逮勝於楊張二志遠矣

南翔鎮志

卷一

五

鳳翥樓重印

里至

東至寶山縣陳家行一十二里至寶山縣治四十八里

西至黃渡鎮十八里

南至上海王庵十二里

北至馬陸邨十二里至本縣縣治二十四里本州州治六十里

東南至寶山大場鎮二十四里

東北至寶山廣福鎮一十八里

西南至紀王廟鎮一十二里

西北至方泰鎮二十里至蘇州府城一百六十四里

水道

橫瀝

貫市之南北

南受吳淞江之水合上槎浦北流由馬陸邨經城中

抵婁塘入劉家河

上槎浦南通孫基港北達南橫瀝

(張錫樺槎谿夜泊)薄暮停橈傍曲河茂林修竹近如何到來古屋煙光暝望去平橋月色多漁艇乍歸紅葉寺酒帘斜颺白雲窩卻憐一片槎谿路偏向清秋夢裏過

走馬塘吉利橋下東去至孟家橋東南流由江灣出黃浦為南

走馬塘從孟家橋直東流達陳家行為北走馬塘

封家浜隆興橋下西去由井亭橋折而南貫月河入吳淞江

橫瀝兩岸支河

北小涇

金黃橋南東岸東流轉南出走馬塘今涇沒不通

師姑浜

金黃橋南西岸西南流出封家浜

吾尚塘

金黃橋北東岸東流入花園浜橫涇鶴頸灣東岸東

南翔鎮志 卷一

六

鳳翥樓重印

流入吾尚塘

黃泥涇

橫涇北對周家橋橫涇

新涇

黃泥涇北東出張涇西張涇

天恩橋南西岸出孟河東張

涇

天恩橋南東岸東流至沙浦

上槎浦兩岸支河

萬四浜

秦康橋南東岸東流入黃泥浜北出走馬塘秦康橋南東岸之浜口今涇曹家浜

雀馬橋下東流入走馬塘抱龍涇

仙槎橋南入阮家浜黃泥浜

萬安寺橋南東岸

寺橋東岸東南流轉北出御家橋直東出五福橋

陸華浦

萬安寺橋西岸出封家浜新華浦

陸華浦南岸出封家浜界涇

新華浦南郁浜

萬安寺橋南東岸東南流入中槎浦

草場浜

與新華浦相對東南入中槎浦

走馬塘兩岸支河

黃泥浜

走馬塘南岸出中槎浦

夾巷浜

大德寺傍東西二浜並北入萬八浜

萬八浜

大德寺後東出中槎浦

中槎浦

南出蚪江跨走馬塘北接吾尚塘

長浜

北岸西通中槎浦

第一涇

東嶽廟東之北岸

新涇

有南北兩條南至蚪江北至陳家行

下槎浦

新涇橋外轉東西流出蚪江

蘇姑浜

吾尚塘北入張涇

花園浜

塘灣東北入張涇

封家浜兩岸支河

釣浦

雲翔寺西塔橋下北流接師姑浜出橫瀝

阮家浜

五涇橋南塊南去合抱龍涇入陸華浦今浜口涇塞土人稱為水溝

迪涇

大名橋西之南岸南流轉西出周涇

周涇

西

金涇

萬善橋北塊北流至方泰東入師姑浜

孟河

屯橋下北流入張涇

熙案張承先志水道橋梁頗略李桐園鳳昌詳核其處以

鎮中為中自太平橋而北至天恩橋泰康橋而南至江橋

吉利橋至東之新涇橋隆興橋至西之楊柳橋水道亦然

其支河及橋即從幹河順書較元本更為便覽

開濬 熙增

明

萬曆三十四年知縣吳道長濬走馬塘 四十一年知縣胡士

南翔鎮志 卷一

七

鳳翥樓重印

容濬走馬塘

天啓元年知縣卓邁濬走馬塘 三年知縣卓邁濬封家浜

崇禎四年知縣來方煒濬走馬塘

國朝

順治十八年知縣潘師質濬橫瀝

康熙十七年知縣馬雲會濬走馬塘 二十三年知縣聞在上

濬橫瀝 二十九年知縣鄧天羽濬走馬塘 三十五年

知縣周仁濬走馬塘 四十九年知縣許雲濬橫瀝封家

浜槎浦 五十四年署縣陳學良濬走馬塘 五十九年

知縣張寅濬橫瀝 六十一年知縣劉昆潛濬走馬塘

雍正八年知縣江之煒濬封家浜南翔鎮市河

熙案鎮北支河向通蘆草浜久已淤塞今鎮西由封家浜

出吳淞江南由孫基港出吳淞江潮汐雖通道已紆遠無

泥沙夾水而入是以久無事濬惟乾隆閒曾議濬市河已

厚水矣有沮之者遂止然於旱潦之蓄洩舟楫之往來迄

今尚無妨也嘉慶初里人濬曹家浜此於水利無所繫故

不志

南翔鎮志 卷一

八

鳳翥樓重印

物產

棉花

一名吉貝通邑栽之以資紡織近里東張涇產者其短花每斤可收花衣六七兩形狀種法詳載邑志

棉布

有漿紗刷線二種槎里只刷線名扣布光潔而厚製衣被耐久遠方珍之布商各字號俱在鎮

鑒擇尤精故里中所織甲一邑

鬱金香酒

始于里中石氏其法以鬱金和諸藥品釀成酒色香味俱佳名馳京國一張鵬神詩一鬱金香注古黃流一斗分來助拍浮醉掃翠巒千萬壘可能勝似換涼州

護居竹

鄉人多栽屋後故名又名哺雞葉大而密生筍最美

夜明砂

白鶴寺梁棟閒蝙蝠所窟寺僧掃其糞淘汰得之為眼科要藥遠近爭購

果山

以胡桃肉為醬岫其

他果品各像物布置又製絹為人物花卉精巧絕倫款神壽筵多用之

西瓜

出張涇者瓢有黃白紫淡紅沈香各色其子有大紅而綴花紋者種異味美瓜形似枕者尤佳俗稱橄欖瓜

蟹

出東張涇者佳

遠勝吳塘所產

菊花

菊之藝植盡善吾里創自毅卿陸氏其後錦甫李氏華山張氏陶圃須圃多購四方名種又得祕法故花盛于他處崑山歸恆軒莊稱吳郡菊花南翔為最

青墨

用藍綻澄汰為

之明陳士白手製獨精色翠可愛眉公陳繼儒為銘今無繼之者熙據楊志增入

海墻一隅豈有方物可紀然如鬱金香夜明砂實他邑所無

其餘雖非專產而較勝於他處故志之

南翔鎮志卷一終

原本蘓塘思均校

重印

灼美陳桐

校

